

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. उपराज्यपाल मनोज सिन्हा होरें वाराणसी च भारती शाशा समागम च शिरकत कीती ते आखेआ जे भाशाई सद्भाव राश्ट्री एकता दी मजबूती लेई बड़ा जरूरी ऐ।
2. मुख्यमंत्री उमर अब्दुल्ला होरें आखेआ ऐ जे खेड भावना गी सियासी मतभेदें कोला उप्पर रखेआ जाना लोड़चदा।
3. केंद्री मंत्री डॉ. जितेंद्र सिंह होरें सेवा सप्ताह, संसद खेल महोत्सव दिएं तैयारिएं दी समीक्षा कीती, नोजोआनें दी शमूलियत ते प्रतिभा गी बढ़ावा देने पर जोर दिता।
4. श्री माता वैष्णो देवी श्राइन बोर्ड नै एहतियाती सलाह जारी करदे होई यात्रा गी स्थगित रखने दा फैसला लैता ऐ।
5. मुख्य भरै च अज्ज हिंदी दिवस मनाया जा'रदा ऐ।

<><><><><><>

LG-Languages

उपराज्यपाल मनोज सिन्हा होरें कल वाराणसी दे महात्मा गांधी काशी विद्यापीठ च हिंदोस्तान समाचार समूह आसेआ आयोजित भारती भाशा समागम गी संबोधित कीता। एल.जी होरें अपने भाशण च राश्ट्री एकता ते समावेशी विकास गी बढ़ावा देने लेई बक्ख-बक्ख भाशाएं ते बोलियें दे

आपसी सम्मान ते समझ दे महत्व उप्पर लोऽ पाई। उनें इस गल्ला पर जोर भरेआ जे भाशाई विविधता गी बचाने कन्ने सांस्कृतिक विरासत दी रक्षा हुंदी ऐ ते लोके गी राष्ट्र निर्माण च सार्थक जोगदान देने लेई सक्षम बनाया जंदा ऐ।

<><><><><><>

CM-India Pak Match

एशिया कप च भारत ते पाकिस्तान बश्कार अज्ज होने आहले मकाबले कोला पैहले मुखमंत्री उमर अब्दुल्ला होरे जोर देइयै आखेआ ऐ जे खेड्ठे गी सियासी मतभेदे कोला उप्पर रखेआ जाना लोइचदा। उनें खेड्ठे प्रेमिएं गी आखेआ जे एह मैच दिक्खियै ओह छड़े खेड्ठे जज्बे दा नन्द लैन। कल तमिलनाडू च मीडिया कर्मिएं कन्ने गल्ल करदे होई उनें आखेआ जे दौनें मुखें बश्कार सरबंथे च अजे कि मतभेत ते रिश्ते संवेदनशील बी हैन, पर इस चाल्ली दे मैचे गी खेड्ठे भावना ते बक्खरे नजरिए कन्ने दिक्खना लोइचदा ऐ। जियां के पैहले बी खबर दिती जाई चुकी दी ऐ जे अज्ज टी-20 एशिया कप च भारत ते पाकिस्तान बश्कार मकाबला होना ऐ। दुबई च आयोजित इस टूर्नामेंट दा एह मैच भारती समे मताबक रातीं 8 बजे शुरू होग।

<><><><><><>

Jitendra-DC's

केंद्री मंत्री डॉ. जितेंद्र सिंह होरे वर्चुअल ढंगे राहे किश्तवाड़, रामबन, डोडा, कठुआ ते उधमपुर दे डिप्टी कमिशनरे कन्ने सेवा सप्ताह ते संसद खेल महोत्सव दी तैयारिये दी समीक्षा बैठक दी अध्यक्षता कीती। पंचैत थमां संसदी स्तर तक्कर त्रै स्तरी खेड्ठे उत्सव दे तौरा पर तैयार कीते गेदे इस महोत्सव दा मकसद खेलो भारत नीति-2025 तैहत प्रतिभा गी पंछानना ते लम्मी

अवधि आहले खेड्डें दा विकास करना ऐ। डॉ. सिंह होरें माय भारत, एनएसए, एनसीसी ते खेड्ड संधें जनेह युवा निकाएं गी शामिल करियै जन भागीदारी उप्पर जोर दिता। उनें आखेआ जे एहदे कन्नै देसी दे कन्नै-कन्नै मुखधारा दे खेड्डें गी बी बढ़ावा थोग जेहदे च मकामी प्रतिभाएं गी Brand Ambassador दे तौरा उप्पर प्रदर्शित कीता जाग।

<><><><><><><>

Satish-MoS

खाद्य, नागरिक आपूर्ति ते उपभोक्ता मामलें दे मंत्री सतीश शर्मा होरें कल जम्मू-कश्मीर दे अपने दौरे उप्पर आई दियां उपभोक्ता मामले सरबन्धी केंद्री राज्यमंत्री निमुबेन जयंतीभाई बामभनिया हुंदे कन्नै मलाटी कीती। उनें उंदे कन्नै मुख मुद्दें गी उजागर कीता जिंदे च बन्ने आहले ते हाड़ कन्नै प्रभावित इलाकें च स्थाई वाजब भाएं आहली दकानें दी लोड़, पीडीएस च बजारें ते दालें गी शामिल करना, आधुनिक गोदाम ते उपभोक्ता अदालत शामिल न। उनें आपदा प्रभावित परोआरें लेई अतिरिक्त अनाज दी बी मंग कीती। केंद्री मंत्री होरें पूरा भरोसा जतांदे होई आखेआ जे केंद्र सरकार प्रधानमंत्री नरेंद्र मोदी हुंदी अगुवाई च जम्मू-कश्मीर च खाद्य सुरक्षा ते उपभोक्ता कल्याण गी मजबूत करने लेई प्रतिबद्ध ऐ।

<><><><><><><>

3rd Lok Adalat

2025 बरें दी त्रीस लोक अदालत कल पूरे जम्मू-कश्मीर च मुख न्यायधीश अरूण पल्ली हुंदी सरपरस्ती च आयोजित कीती गई। पूरे केंद्र शासित प्रदेश दे बक्ख-बक्ख जिलें च लोक अदालत

लाई गई जेदे च 167 पीठें, 3 लख 6 जहार ते 851 मुकद्दमे दिक्खे जेदे चा 2 लख 39 जहार 533 मुकद्दमें दा आपसी सुलह-सलाह कन्नै नबेड़ा कीता गेआ ते बक्ख-बक्ख मुकद्देमे दे नबेड़े चा 50 करोड़ 50 लख 78 जहार ते 932 रुपें दा मुआवजा किट्ठा कीता गेआ। उआं पुंछ च बी लोक अदालत लाई गई जेदे च 7 पीठें सिविल, क्रिमीनल, बैंक रिकवरी कन्नै जुड़े दे कई सैकड़ें मुकद्दमें दा नबेड़ा कीता। इस मौके पर बोलदे होई LADC Poonch M.M Khan होरें आखेआ।

<><><><><><>

Yatra-Suspended

श्री माता वैश्वो देवी जी दी जातरा जेड़ी अज्ज बहाल होने आहली ही, रियासी जिले च लगातार बरा करदी बरखा करियें अगले हुक्म जगर परतियें स्थगित करी दिती गई ऐ। श्री माता वैश्वो देवी श्राइन बोर्ड नै कल सोशल मीडिया पोस्ट च इस सरबंध्य च ऐलान कीता। पिछले म्हीने दी 26 तरीक थमां मौहलेधार बरखा करियें यात्रा आहले रस्ते पर पेई दियें ल्हास-पस्सियें कोला किश घंटे पैहले यात्रा आरजी तौरा पर रोकी दिती गई ही। बोर्ड नै इक्क बयानें च लोकें अग्गे अपील कीती ऐ जे ओह यात्रा पर औने कोला पैहले संचार माध्यमें रायं हालात दी ताजा जानकारी लेंदे रौहन। इस बारे गल्लबात करदे होई यात्रुएं आखेआ।

<><><><><><>

Yatra Diwas

अज्ज हिंदी दिवस ऐ। मुख्य भरें च हर बरे 14 सितंबर एह ध्याड़ा मनाया जंदा ऐ जेदा मकसद राश्ट्रभाशा गी लोकं च मता लोकप्रिय बनाना ते एहदे इस्तेमाल गी बढ़ावा देना ऐ। सन 1949

च अज्जे दे रोज संविधान सभा नै देवनागरी सरूप च हिंदी गी मुख्यै दी अधिकारिक भाशा दे रूपै च स्वीकार कीता हा। हिंदी दुनिया च बोली जाने आहली सब्बनै शा बड्डी भाषाएं चा इक्क ऐ। इस मौके पर आकाशवाणी समाचार कन्ने गल्ल करदे होई राश्ट्री भाशा प्रचार समिति जम्मू-कश्मीर दे संचालक डॉ. भारत भूषण होरें आखेआ।

<><><><><><>

GST-Reforms

पूरे जम्मू-कश्मीर दे लोकें नमे जीएसटी सुधारें तैहत हाल च गै जीएसटी दरें च कटौती दा सोआगत कीता ऐ ते इसी आम लोकें लेई इक बड्डी राहत आखेआ। सरकार नै सेहत ते जीवन बीमा प्रीमियम गी पूरी चाल्ली टैक्स मुक्त करी दिता ऐ जेदा मकसद बीमा कवरेज गी बढ़ावा देना ऐ। 36 जान बचाने आहली कैंसर ते परानी बमारी दी दोआइयें उप्पर बी टैक्स माफ करी दिता गेआ ऐ। मकामी लोकें इस गैंस दी सराहना कीती ऐ।

<><><><><><>

PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां जमा करोआने दा अज्ज खीरी ध्याड़ा ऐ। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी

कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च अज्ज संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>